


鳳臺縣志

第十一册

地160.61
301
2011



鳳臺縣志

第十一册

凤台县志卷之十八

艺文 诗

国朝

女娲庙三章

魏象枢

维天清虚维石顽冥炼补而后孰辨厥形 天可问乎不
得其门如何未补仰之可扞 五色既成浑圆无漏西北
不完伊谁之咎

初春同关太和明经登玉清宫阁北望太行山

苗胙土

鳳臺縣志

卷之十八

诗

一

行山高万丈有路插青霄古树添苍雾春云护远嶢渴肠
谁可解乡思煞难消今日凭栏意悠悠何处招

兵后重登看云楼

忆昔酣歌柳浪东夜深斗酒映花红一从楼上西风急谁
复凭栏傲醉翁

游圣乐寺

杨时化

不耐尘纷剧心贪佛地闲寺藏幽僻处路在有无间东望
遥通泽西来近自樊邻村烟火远荒岁米蔬艰人语竹鸡
散钟声殿鸽还风微泉活活山静鸟关关白犬狺生客苍



苔叠古斑流澌梳涧发氛雾晴峰颜入目松皆好点头石
未顽缙徒谢俗穴百亩粪前湾

下太行

石凤台

病子耽於役冲云出太行故园春色老古道柳丝长风雨
随车急山川叹客忙君恩如可报谁肯负沧浪

寄题苗晋翁大椿园

朱之俊

君家生饶山水趣菟裘筑在桃花渡烟生石骨小桥西刺
碧威神垂古树十丈香开玉井莲竹里鸣流散清露名花
出地几重新红楼尝宿西山雾考室多楹诂等闲主人晒

鳳臺縣志

卷之十八

詩

二

腹时寻句闻道留春更有亭金沙才子曾为赋天荒地老
海尘扬收拾清光贮佳圃分手年来十五霜缅想风流那
得度灵威忽尔示大文名园记並洛阳数悬著床头足卧
游髣髴指我梦中路捉笔强吟作报章苏门长啸应不误
咄哉戎马东西骛模糊云月愁天步太行巉巖白日暮万
事何当一笑付胸中块垒须消吐他日策蹇与君晤下榻
深林布情愫物我周旋莫治具鸿渐之茶懒残芋

题可园

姚恭

流行坎止总无心一可名园寄兴深满眼秦荆难措履半

区华卉足宏襟坐看苍狗消尘画移近黄鹂听好音爨溪漫云非若事先忧后乐此追寻

星轺驿

传有仙人洞

王 铨

蔓草斑斑石磴长朝来岚翠湿衣裳溪山佳处岭楼立涧壑鸣时众木凉阴谷云腥龙夹雨暖风花气麝含香仙人辟穀藏深洞无数乔松护药房

晋民谣山行

彭而述

山民全如鼠伏处各土穴相传为世守即此是家业黄发急朝飧带泥煮山蕨残躯结百鹑苍颜逼古铁疑是煤铸

鳳臺縣志

卷之十八

诗

三

成乃有气芻芻枣树三五株春深无萌蘖老鹑巢其上蓬蓬压将折石田无款段寸尺入册籍昨年欠官钱又到寒食节惧见城中人疑是催租客

先农坛

陈昌言

上治本於农务兹稼与穡敢云南亩劳粢盛在黍稷种种包元气粒粒匪易得民事不可缓宵昼所当亟无逸知乃艰幽风其可则姬历何八百首重在民食

中秋青莲寺款月台

王 度

双峰突兀三千丈孤月圆明万里天人世红尘飞不到白

云深处老僧眠

赠吴开先

董 绪

游侠新安子雄谈气若奔
自方夷监侣不羨孟尝门
使气轻千乘交情重一言
愿君仗剑去莫使世如燔

珏山咏月

菡萏峰高势入云
一峰钟动万峰声
怪来秋月因何事
不向从前峡里明

太行道中

田六善

归骑随春至山山花事芬
林深藏过虎壁峭蓄停云
草屋

鳳臺縣志

卷之十八

诗

四

依巖筑荒田带石耘
问知新雨好可慰旧榆粉

普觉禅林同人分赋得文字

马如龙

廿年前此共论文
载酒重来坐夕曛
老衲初开三径草
晚钟遥度一溪云
德星乍聚应占奏
豪气横空付醉醺
莫问山城鸡唱晓
主人投辖正殷殷

谒李卫公祠有感

陈 元

层岭遥登拜古祠
晋阳勋业叹何之
千秋庙食传今日
百战功名忆昔时
苔锁深宫人到少
霞封古木鹤归迟
抚时不尽兴亡感
何忍英雄鬓若丝

西望太行

周断芳

一望群山秀秋高风雨寒东迴朝海岱西去入长安
翠嶽天垣险欹崎客路难乡关飞鸟外遥与断云看

碧落寺

段藻

参差殿阁倚晴空天际凭阑四远通境绕烟萝迷鸟迹声
传风雨震龙宫浮云似水流山外古树如屏列镜中极目
苍茫看不尽携尊更上最宠灾

旧郡守吴桥王公祠

巖城耸峙太行阿赖有循良抚字多见说燕山贤太守曾

鳳臺縣志

卷之十八

诗

五

官濩水沛恩波风清五马称三异瑞应双岐润九河五十
年来遗泽远试听輿颂尚谣歌

小山听泉

汀寒露白景苍凉小坐溪山听韵长已共秋声临枕簟还
疑夜雨到潇湘浮来红叶添杯色流出黄花助茗香侧耳
潺湲良不厌好将尘俗澣沧浪

谒明道先生祠

马麟友

一代尊儒吏古祠荒径通字应书贾相碑自记文忠
元祠有郝

文忠经贾友恒鲁野处牛毛细
见郝文和声鹤唳空
庄金李

二碑鲁书法绝佳

教授生徒自号鹤鸣
老人一时比之程子
登堂怀俎豆谁与坐春风

春社郊游迴文

赵日晖

横桥断处曲隄迴
远望遥空接涧隈
晴绚日光红霭霭
秀呈山色翠嵬嵬
轻烟淡锁深塘柳
湿露浓封密砌苔
清气爽然幽极目
倾樽玉斝小筵开

开元钟

后唐李嗣昭守上党胜梁范铜为钟在开元寺后置元妙观

陈廷敬

苍茫陵谷开元寺
古钟犹带开元字
寻向桃花观里来
钟声依旧浮云翠
此钟流传自后唐
谁与作者李昭义
黄尘清水变须臾
斗鸡小儿聊角戏
昭义此时亦人杰
屹立孤

鳳臺縣志

卷之十八

詩

六

城下无地夹寨重
云鸟不飞余吾残
营白昼闭流矢拔足
客不知血暗淋漓
痛劈臂龙骧神捷等
沙虫铭以蒲牢母
失坠生子当如李
亚子进通忠孝先王
识我怪欧阳传五代
嗣昭特书多可纪
当时亦有刘羲叟
飘零颇恨文章躒
今我来观开元钟
与客谈咏梁唐事
更数百年歌者谁
钟声未歇开叹喟

太行四首

天井关门跨碧空
太行开辟想神功
遥连绝塞羊肠尽
下视中原虎踞雄
嵩嶽诸峰元拱北
河源万里远随东
驿楼

斜日凭轩意回首萧萧落木风

家山归处路分明北上车轮梦里声每忆梁公如盖语高
歌孟德苦寒行横遮四塞如长堑俯抱三川似列城午壁
庭前方亩地祇应耕凿足吾生

比似人间路较强崔巍历尽亦康庄嵇生未解青泥饮孙
绰空登赤石梁少华西看峰影小太形东望海云长遗民
敢笑唐风陋山水连天接混茫

绝嶂登临兴未孤白云迴合尽平芜界分韩魏初盟土表
里山川旧帝都曾度千峰趋大漠懒从五嶽问真图更看

鳳臺縣志

卷之十八

詩

七

天上黄河水长作巖前雪练铺

小山

城西前日吾来处野径清流竹树斜日暮出城拚一过不
因水石为思家

登月院山普觉寺

树杪水溅溅群峰矗碧天松门留晓月板屋过流泉谷口
山城远窗中鸟道悬前林少人迹寒磬下溪烟

午亭山庄图诗五首

有序

邠道元水经注沁水逕午壁亭而南友人朱竹垞谓予

何不取以名其园比同在内直辄好语山水园林之胜於是玉峰尚书为作午亭记当此时予未尝有园也已而家居辟山村股濂泉之水凿池其中横桥小舟咫尺具烟波之势以实竹垞之命果有午园矣盖予所居樊川终累牧之城南下杜之称思有以别之且吾居近午壁亭沁水之涯也爰即樊川故居又名曰午亭山村午亭之间山高水清林庐池舫幽居之迹则王君石谷为画焉使玉峰而在当为更作一记他日请竹垞为予记之夫五亩一区而为名之多如此甚矣夫吾之溺於其

鳳臺縣志

卷之十八

詩

八

名也

午壁亭名载水经秦时流水汉时亭何人更与桑欽注一亩园中水木青

午亭人在翠微间林际清晖自往还砥柱析城至王屋天教看尽好云山

吴松烟雨石湖春不到江南老竟真山水连天溪艇窄也能作意向诗人

西湖杭颖别图经吴楚湖山两洞庭独讶樊川同小杜朱坡不比汉家亭

丹青老手荆关笔重写天随旧钩船晚唤午亭还识否世
人曾拟杜樊川

游可寒山乾明寺

窈窕溪山路孤峰迥自尊秋花隐危石斜日到闲门鸟影
烟中寂泉声雨后喧法云堪倚徙不拟向前村

珏山

铁锁钩梯细磴分半空时有凤箫闻双峰夹送三清月万
壑全收太岳云插海桂榆垂欲下摩霄龙鹤动成群人间
何限卑栖意待剪香茅岭上耘

鳳臺縣志

卷之十八

诗

九

老姥掌

夜静山月高照我山楼上微闻松萝风遥递石泉响

洞阳山

别久蓬山不记年洞阳山色故依然万松枝上千巖月人
道清都一洞天

重题梅花寄宋仲王阮亭

冉冉孤华若木阴琼姿人在信销沈椒兰永叹迷香草松
柏犹期老旧林石濼濺濺流水远汀沙渺渺夕烟深相思
难把寒枝赠月落霜横有梦寻

辛卯二月二十二日

赐午亭山村四字 赐联云春归乔木浓阴茂秋到黄花

晚节香 谕云朕特书扁联赐卿自此不与人写字

矣 臣感而恭纪二首

午壁亭传在水经太行千里数峰青自惊倦鹤寻窠树忽
睹飞鸾下 御屏 圣笔如山齐 万寿 天文並日永
馀龄嘉名旷代 亲题与拜赐头衔号午亭

老至思归不为名荒山野水亦关情极知 主圣怜臣愿
岂忍时清谢世荣身是全人劳 一语香仍晚节盖平生

鳳臺縣志

卷之十八

诗

十

春来秋到闲花木长养 恩深乐化成

同友人过十八盘

张天斗

款段度疏林相怜水石音旷怀忻地僻高鸟悦山深野火
连朝爨溪云带远心行行频四顾雅意足登临

题午亭山庄图

相国泽州归里
第十二首 选四

查慎行

天井西来第几陁浮岚千里拱翠屏井西道人画不得自
有此山无此亭

万丈光芒临一州 宸章奕奕垂银钩烟霞指点最深处
中有 御书缥缈楼

绿壁午桥名偶同佳名岂袞裴令公屋头山色屋下水多
载桑经郦注中

展卷寻常思钓游太行天半阻归翰谁知老鹤出群意早
在千花堦上头

食半翅二首

朱彝尊

赋物怜穷鸟营飞日几迴远依黄鼠穴低抢白龙堆不用
深弓射恒愁短翼摧年年随冻雀重马纆千来
味合添雒笋羹宜配冻醪登盘人未识入肆价须高且缓
思鴟炙全胜食雉膏莫愁尝易尽谗鼎戒贪饕

鳳臺縣志

卷之十八

诗

十一

下太行

陈宏度

巍巍太行山高与天齐俯视部娄但亦尔尔叠翠围兮千
峰延绵亘兮万里陡折翠嶽修塗巉巖劲风驱云根远岫
没山嘴林端落叶鸣木末高鸟起石稜稜暑齿齿今人古
人亦已矣客徘徊其间极目天际但见长河送流水

下太行经狄梁公望云处

田宅中

嵯峨太行颠上有崎岖路道傍题片石梁公望云处公昔
经此山俯见河阳树回望白云飞怅然久不去想见孝子
情不忍频叱馭游子胡为乎悠悠祇自误

孔子迴车迹

赵介

揽辔何年入晋关，岂遭按剑载愁还。
顿思斜日行山路，仍带春风阙里间。
半岭尘蒙车辙迹，千秋霜冷墨花斑。
遗踪今古知多幻，且学传疑未敢删。

过迴车庙

席敬事

大道自经天，宁关行地辙。
东周其可为佛胼，岂能涅悵悵。
欲何之，栖栖愿每切。
迴车亦偶然，漫道晋人劣。

泽州使院古松

王士禄

三株並是青牛质，久爱欹松亚复盘。
入夜龙形殊益怪，隔

鳳臺縣志

卷之十八

诗

十二

窗涛响不疑乾，人如僧憩心堪寂。
舞作胡旋势未安，韦偃毕宏那貌得。
祇须拭目百迴看。

南归自交城行至太行道中即日书寄从弟昆霞

洪嘉植

孤云十日太行连，行过交城泽潞边。
藏雨溪声春水碓，焚菑山脊种梯田。
杨花吹麦经冬雪，蚕女条桑弹晓烟。
风土民生衣食在，封书为报长官贤。

忆柏崖

张肇矐

万叠青山当户牖，一湾流水绕门墙。
清风明月谁为主，午

夜松花入梦香

忆小山别墅

先世园林郊郭间
满堦流水满房山
主人腰折平江米
辜负山中水石间

寄怀苏子静

张肇昌

潦倒风尘日春皋
忆老泉並忘采药逕
只结隐纶缘一室
乾坤大半床邱壑
全间中无个事披咏白云篇

太行山行

盘迴入苍翠欹侧周
陂陀立马独延佇
白云生女萝秋鸿

鳳臺縣志

卷之十八

诗

十三

淡无影澄溪寒有波
山家动砧杵如此月明何

贈赵二瞻

士元潦倒甚车上
看屏星鸭褥浮池沼
蛛丝结户庭秋深
拾木密雨霁觅菌钉
镜里也头白家山眼
欲青

投知引贈张伯将二府

程康庄

吾鄙素言豪侠士
后有青主前伯将
青主去救袁夫子
千金掷地神扬扬
抗疏共我见天庙
袁师乃得归故乡
至今抱甕绝人事
埋光铲采游何方
张公百将不可及
癸酉高名满大邑
风流不数乐与王
剔华掞藻如波急
予时籍甚

少年场龙文百斛声犹涩张公不弃为兄弟胜流往往感
云集开花寺中列绮筵嘈嘈嘖嘖奏朱絃永新树子风情
在枕麴承糟转可怜我每登龙居上座托公叔姪称尽贤
自谓青云期反掌谁知弃繻复空还壬午秋闈更一遇风
尘惨淡嗟迟暮公今坐啸在邺都富贵应不违其故尝闻
冰雪畏人知转见屏蔽开鑪铸虚舍求贤似李邕随车独
有甘霖澍叹我终年日益贫空悬箠陋羨隐沦值兹兵燹
流离后畴是当年石契人呜呼青主身良贱自尔非公难
具陈不然相识满天下世间谁有如公仁

鳳臺縣志

卷之十八

詩

十四

太行絕巔望黃河歌

趙執信

曉日欲放山盡紅行人犯曉行山中連峰障天望何極唯
餘云氣寒濛濛冬深冰雪塞大地只虞馬迹无由通前臨
忽覺地形逼兩河烟樹开千重中間烟斷樹灭处青黄一
道连高空初疑当风曳云锦又似东方升蟠蛛料量始识
大河见势拟天阙悬飞龙崑崙倒泻几万里划分南北无
始终蜿蜒胜已控秦豫奔腾气欲吞华嵩眼底太行将恐
汲古来雄观何能同我闻近年水大涨舟楫日夜相撞春
有时青天万艘失咄嗟人命随悲风江淮相接渺巨浸田

庐尽作蓬蒿丛海门不启河伯怒坐令堤埽难收功即令
远望仅如带晨光指点愁匆匆可怜黔首半鱼鳖漫言游
子开心胸

山行杂诗二首

岭路盘盘行欲迷晚来霜霰忽凄凄林间风过犹兼叶涧
底寒轻已作泥马足蹙时疑地尽溪云多处觉天低倦游
莫讶惊心数岁暮空山鸟乱啼

绝巘平临远目开天风吹我离氛埃路於残雪消中见人
自群山阙处来树外连峰横作郭马前云气散成堆平生

鳳臺縣志

卷之十八

诗

十五

蜡屐幽寻兴落日登高首重迴

上太行入河北

万山围马首峻嶒行相逼如入稠人中仓皇乱迎揖连朝
蹶危险徒侣疲登陟晓看白日近渐觉山势急前路纷羊
肠下赴将何极眼明见平地河色漾寒碧浮云千里通清
流一线直参差散林莽指点辨城邑久行望弥真屡下境
转偪迴视高峰颠一一詫所历野旷山尽收村晚天半赤
向风指孤烟息此穷日力

天井关

试凭雄关望偏增客意豪惊风吹涧直落日觉山高乱树
入云尽悲禽分野号从来争战地览古首频搔

发泽州宿星轺驿尽日行太行最深处

出郭未十里陟岭凡几盘徘徊初日影隐见群峰端遥空
敛馀阴山风增晓寒我行曾冰中仄径愁跻攀马压后人
顶足滑不得安萦紆自信地倒侧惟随鞍久依悬崖转每
疑绝壁穿歛同鸟上下纷与云勾连平临众皱出旁见高
天宽四山森列笏戢戢争荒烟林木接萧瑟万壑寒声传
牛羊入残雪蠕动从莽间登顿倦行侣野览开心颜日晚

鳳臺縣志

卷之十八

詩

十六

见人家列屋缘层数斜阳明万瓦烟火动夕餐不厌野宿
孤益羨山居便溪黑虎豹嗥月出鸟鹄还岁晏远为客中
宵起长叹

奉酬太宰陈说巖先生二首

吴雯

悠悠只如此还念旧山期来以莺花候归当雨雪时瑶华
感相赠杨柳怅空垂百拜怀春酒仍求寿母辞

著述谁能並尊闻有旧堂人争推吏部世久说欧阳诗入

午亭古书追丙舍苍葢山六角扇真许耀家乡

公近构午亭较刊全

集

经太行绝顶同范青漪

路出群峰外云生众壑中气通神鬼宅声振古今聳雷雨
分晴晦乾坤在混濛清诗传谢朓搔首羨君同

太行山蚤发

晨风迷晓色辛苦戒同行不辨水流处惟闻泉乱生雾深
石磴险月落草珠明一失孙阳后盐车处处程

道中问俗

郑洛

仗节观风逐太行晋城遗俗自陶唐几家茅舍千山暮一
逕烟萝五月凉云里孤城藏市井雨中高岭见耕桑民间

鳳臺縣志

卷之十八

诗

十七

生事犹难问巖谷苍茫思未央

题徐氏义居

自徐贵徐伋徐玘以下凡七世

彭鸾

孕秀鍾灵本太行故家乔木倚云长百年孝义腾三晋累
世衣冠萃一堂懿范追攀张氏辙高风远播郑公乡他年
太史收遗事麟笔书题更有光

书院村传为程子乡校旧迹

朱三才

出门寻山水放辔一驰马爱此书院村佇策观其下名儒
乡校传春风流四野乡校七十餘至今存者寡惟此独擅
名遗踪诚非假白水相萦迴万斛明珠泻环山开鼓铸洪

□□□□时闻絃诵声士气犹潇洒至今八百年口碑载
民社我亦读书人向慕心藏写俎豆尸而祝弔古怀大雅

游小山

官于宣

有水在山里有石在山间应题一片石号作小寒山不逐
烟波去空怜砥柱闲点头堪共语坐拜正非顽

东司四友诗次汪公韵

陶自悦

参天老柏标孤洁三松负墙如立雪雪摧霜剥几千年年
年笑看繁华歇层霄清荫自婆婆易叶何曾一改柯许我
结交成五友岭头堪赠白云多

鳳臺縣志

卷之十八

诗

十八

东司四友

庭有一柏三松故以此颜之

汪灝

忘年好友齐高洁历尽太行山春雪相望相守远俗氛有
风长啸无风歇苍烟明月影婆婆未许凡枝接素柯不见
商山惟四皓古来高士不能多

再过获泽试院喜瞻老桧有赠

露重香清散碧天风轻涛细响幽泉与君似订三生约许
我能逢再晤缘应解旧囊无长物转怜新雨结苍烟良宵
举酒频相酌欲共掀髯话月圆

题宝巖寺

程之绍

花园村踞太行巔上有古刹栖枯禪入夜金灯往往出乍
明乍灭树林边观灯佛子归佛力自我思之恐不然中土
无佛山即有此灯灿烂几千年非从白马驮来物不稽之
语莫轻传暇日偶看草木子谓灯皆是山灵宣明珠一颗
能润浦良玉一片能辉田宝藏之兴萃陵谷自然光怪冲
云天峨嵋简州衡嶽地匡庐天章太白前到处有灯惊耳
目岂皆天竺种奇缘儒者所言良不诬雾释水消何惑焉
邨下崔生名下士流连景物题诗篇才华俊逸但佞佛佛
曰岂借灯增妍我作此言告来者读书明理莫牵纏山归

山兮佛归佛鑑朗衡平两不偏

輓李烈妇秦氏

田从典

朝梁暮晋人皆鄙诺然不侵惟烈士夷门监者燕先生引
决如归报知己由来此事困须眉况是闺中儿女子长平
李妇何烈烈慷慨悲歌竟相似髡彼两髦痛忽诸死则同
穴长已矣白头不共处士春红颜尽坠夫人七摩娑霜刃
甘如饴一事未殊心未已杞妻号泣摧齐城聂姊悲哀赴
韩市庐江皆诵仲卿诗上虞长记曹娥涑若使重编天禄
传指似幽光堪比美是日北风牛马鸣惨惨日色下濛汜

定知龙剑埋玉匣夜犯斗牛光气紫青苔白骨多古邱百
川东逝不可止但令造次得死所生气凛凛照青史

濂村踏青诗

陈豫朋

濂泉凿山翠濂村傍山曲何人解往还地偏远尘躅环流
清且涟一雨添净绿花光浮潏濫柳绵飞断续初晴东西
陀喜见桑麻沃开襟竹里风欹枕松间局勿负眼前景且
尽杯中醪

可寒乾明寺

绝壁生寒云高林下斜日崎岖历鸟道步履增凛慄扶筇

鳳臺縣志

卷之十八

诗

二十

见丹楹清磬半空出曲径幽以深流泉清且滴老僧来相
迎礼数任坦率餉我霜柿红味甘比卢橘为言苍翠间胜
赏推第一时序届严冬朔风飘瑞霭漫空飞玉尘冻影万
峰密兹山独灵奇雪花落旋失疑有神物凭渺茫不可悉
栖隐埃何年言采芝与术

樊山

绝巘登临强其欣一枝藤杖破霞文傍裊野鸟驯如识曝
背斜阳煖欲熏黛染岚光秋色舊烟开林影翠痕分山深
晴晦浑无定雨意俄看起暮云

姥姥掌同孔云岫

万叠云岚细幽径翠微深处恣闲游澄宏自有龙潜沼缥
缈浑如蜃结楼林际翻翻松子熟石边萋萋药苗稠诗中
画意山中景都付倪迂笔底收

游圣乐寺

陈壮履

圣乐身曾到青松梦屡寻上人竺乾老古寺烟云深猿鹤
竟无恙钟鱼远余音攜琴巖下坐疑有水龙吟

望太行

奉命祭告南岳
途次新乡道中作

望太行胡为尔太行连絛几千里中有鬱然深秀诸奇峰

鳳臺縣志

卷之十八

诗

二一

壁立平罔插天起西北山多各具名论名未若太行美此
山独居太行颠惜哉何不从禋祀曾闻雁门雄势宗恒山
根底此山成岳峙此山近帝阁呼吸通元宰此山能出云
肤寸润四海吾家太行山之麓王屋析城镇相属網緼冉
冉万山间马上徘徊空转瞩望太行乱心曲

新秋雨霁过长平驿宿高都途次偶作书以志怀

励宗万

马蹄应识晋阳程驿吏循环管送迎亿昔有情寻旧句重
来无恙问诸生天空锦色云铺就沙际绡文水织成客路

欲忘秋到早，柘桑阴里嫩蝉声。

游洞阳山

陈賁懿

詰曲樊山麓，幽径连崔嵬。石梁下瀑布，雨过惊涛飞。系马
登古刹，危阁堪凭依。仰面睇真迹，洞门掩微翠。仙人去不
返，空馀黄鹤矶。岁月倏今古，僧徒无是非。趺跏共茶话，缓
策莫忘归。

友山园

卫璠

西岭蜿蜒接太行，巍然屹立俯山庄。浮图半向金翅隐，兰
若全从玉叶藏。舒卷随风纷变化，淡浓酿雨渐铺张。朝来

鳳臺縣志

卷之十八

诗

二二一

扶杖凌丹巘，不禁思亲意渺茫。

闻陈白村秋捷

白村居梅庄山水最胜

梅花村屋桂花天，戏綵衣霑柳汁还。闻说山池烟水碧，秋
来应泛孝廉船。

泽州道中次励巡使韵

夏之芳

官程日夕傍山程，翠嶂丹崖互送迎。地轴千盘疑浪蠢，天
衣四合欲风生。唐民止解桑田急，儒吏曾闻乡校成。蹇起
檐帷频问讯，可能不负诵絃声。

琵琶溪

陈观顒

潯阳寂寞贾人家分寄繁音到水涯岂是曹纲曾盥□□
溪也解拨琵琶

咏儿归鸟

田懋

熟种何由种得成儿归空自了残生只今也悔当年错肠
断西风夜半鸣

泽州冢宰归山右偕行赋呈

廖凤徵

五载身依绛幄间高吟清讌每追攀不妨归隐甘离索争
奈临岐怆别颜马首尘劳消白堕龙门著述傍青山黄榆
风急霜红候跋越宁忧险道艰

鳳臺縣志

卷之十八

诗

一三三

过太行

屈北雄

仗剑行千里离家已二毛春光流水去暮日太行高龙脊
乘难稳羊肠踏欲牢雪消阴更险劲仄滑於膏逸兴忽飞
动闲愁漫抑搔偶回三晋首直控五原尻世鲜南宫敬谁
知北郭骚朝周轻玉马入海钓金鼈风力临崖猛云情作
雨豪关山犹未极登顿敢辞劳

天山关

雨界中分处春开天井关光风游四海落照满东山沙雪
昔原白莺花今尚闲勒铭殊未遂留梦水云间

宿青莲寺

苗乔年

太行最深处山断露禅扉石阪水流远板桥僧自归洞幽
云上屨谷冷翠生衣松下犬迎吠从知过客稀
初地来如旧前身我亦僧塔危留晚照树裂挂垂藤兔角
明真谛牛车悟上乘心清何梦寐枯座佛龕灯
不作化城住其如尘垢何池游放生蚌笼畜换经鹅山鸟
闻钟散风泉入夜多闲中春又暮红杏满巖柯
徒有青山志阎浮又著鞭此身原幻梦何日净尘缘晨漱
月当户早行云满川松驱风俗客回首意茫然

鳳臺縣志

卷之十八

诗

二四

太行

张耀先

生平说眼界终被太行阨今登太行巔始觉中原阔

太行山阻雨感怀

崔应阶

千里攜家憩驿亭太行风雨暮冥冥北堂望断门无倚南
国归来鬓欲星远水寒流千涧白乳云还拥万峰青黄河
一线何时渡渺渺愁怀总未醒

星轺驿送浦子良还吴

同作还家客归途复送君伤心孤驿雨惜别太行云握手
知何日骊歌不忍闻扁舟如访戴吴楚一江分

莒山题蒲相如庙

地名全
玉岭

朱樟

一失连城间道行前川明月接蒲津毋劳血溅已归赵不

待鸡鸣早脱秦瑶草暗迷完璧路好山犹对负荆人

米山
廉颇

遗迹亦
在望中丛堂灯火邯鄲瑟不及兹乡祷祀频

铁花行

羊头山名钢飞春黍粒破釜夜鸣坤母泣

铁花例
用釜毁

矿穴分苗

照上元冶师炼魄当炉立悬牌报熟十二时石炭气锐烝

红迟羯鼓停催花未发土锉排寒虫不知一火人面青二

火人面白面面相看醉纈生泼地熟红收不得银瓮翻浆

鳳臺縣志

卷之十八

詩

二五

玉杓分树头结绽芙蓉色转眠狂花添客慧丝饼穿天补

阙事解衣忙跃泼寒胡簇蝶惊传撒珠戏箭壶一掷电睽

张颠倒落花如雨坠暗尘马过鑠频开烂额客呼星退避

樵楼鼓吏报二更海綃四照天为青阿奴投烛出下策试

问汝曹见未曾吾乡苦於祝融厄悲燄乍起摇心旌赤蛇

吐舌不停掉壬夫丁女何无情麦田吐秀杏园圻所见阴

火同青荧

南麦及银杏夜
花皆小于此

世间快事那踰此醜树得暖留

冬荣

树得铁花
岁张王更甚

湘君帘外春云暹唾落香绒黏紫凤他

年重现散华身宝焰龙宫记初梦

自曲梁掌入岭口问济源分界处

界碑离立两相望岭底联绵度鬱冈过客乍看知刺促刺促

见番岳阁谣谓不开怀也居人久住亦凄凉崩崖雨漏通鸡栈土人以树枝接

路为鸡栈杀草霜浓践鹿远寻到深山更深处但愁飞剑倚天

长

咏火判官

家家栏槛烂星辰暖眼何曾起暗尘丞相嗔来能炙手鄰

侯火迫已班春官街到处藏温户陋巷於今少曲身煖得曲身

成直身见孟东野炭诗点雪炉边消内热不嫌太守独清贫唐史源休导朱

鳳臺縣志

卷之十八

诗

二六

泚僭号姚令言劝围奉天二人自比萧何皆笑为火迫鄰侯火迫急忙之谓

咏半翅

穷鸟堪充席上珍穷鸟见家竹诗纈干冻雀许为隣饱闻严

濼非痴语子陵云多言不痴此非痴语也出高士传谁信襄阳有半人用王猛事乍

压红糟冬味美得兼黄鼠岁盘新偏容尔辈多憨急触网

频收自在身尔雅鷓鴣寇雉为鸟憨急

泽郡元旦门设桑火以松代之用东坡韵

月额厝新火照耀夜不寒绝似绛帕吏烧香迎红鸾糝盆

围树根酿和春一团恐被元绪笑伐汝同芳兰维桑合恭

敬楼叶青如槃懿筐主蚕职岂忍斫斧残此乡尚茧丝□
母发永叹俗薄宜改而喜气生门阑

游小析山

范大中

何年鹅鹳列军营此日犹传司马名

小析山从司马山下

山石威稜

馀战气秋风蔓草野烟平

历历川原野色宽秋田早刈绿云残遥看陇畔人归去树
外斜阳带暮寒

大阳读北齐碑

秦嶠

水出阳阿荫松杉夏日游集同人咸禅关欲寻金石碣蚓

泥蜴篆分毫扞共说高齐有遗迹丰碑百尺千佛嵌三千
大千总世界一指从教参经函心心相印法象古面面相
看笑口緘年深多有模糊处再三滌刷苔蘚芟河清二年
岁癸未五月午未日并剗杂兼篆隶留真体记事古雅超
等凡上为皇图祝福寿下为闾里安民磐中正长史标姓
氏守令参军列阶衔男女眷属普供养细书不憚语喃喃
是年虫旱发賑恤或因灵麻慧眼监天地日月十二字殺
历飞上工铸鑱唐代武后矜剏制食人唾馀羞贪饕当时
武城好营造许多宫苑龕佛巖总持兴圣各成寺双堂三

台变鸞巖诏书一下民胥效举国若狂争和誠法林

寺名在周

村即广福寺

亦有天保记凋零寒泐不可隘惟此硕果存不食

坐读手扞辨珉城夕阳落树弗忍去盘桓如将终日僂出门犹复频回首旛刹摇曳飘如帆

太行

苗大素

巉岈长剑倚天门乘兴登临落日昏北戒山河雄上党太行形势俯中原云开古戍三川见峰压重关万马屯秋色遥看诸界外苍茫元气接昆崙

一带危峰拄晚晖冀州表里古王畿云从补后扞天近山

鳳臺縣志

卷之十八

诗

二八

为移来拔地飞梁晋战争何处是唐虞风土未全非直须携取惊人句高问苍穹坐翠微

半空山色落云端翠压中州万里寒二水带环围月院九霄剗剑会天坛轮催驥足悲嘶苦阪阨羊肠过往难不到碧峰三十六玉虚谁识太清宽

程明道先生祠

陈名俭

立朝经济善初终理学真途百世功小试牛刀晋城邑絃歌流衍溯遗风

洞阳南院感旧

琳宫幽剩翠峰腰忆挈诗囊载酒瓢丹灶久颓亭树圯一
泓流水咽溇溇

重过司徒村口占

王熙载

系马长杨爱眺登重寻古意更无凭此村知与崔家近

司徒

毗近崔庄遮莫司徒出博陵

北魏崔浩官司徒

周孝侯墓

秦百里

地以周村名村有周处墓首邱在荆溪此墓似有误马革
裹尸还讵能纾其路或者从军人招魂衣冠附墓前古祠
荒阴森锁夜树时有寒鸦栖长夜啼晓露我来展遗像威
灵犹如故力能三害除名在一死赴丰碑古道旁过者多
感慕日暮天雨来如闻英风怒

鳳臺縣志

卷之十八

诗

二九

郭庄

秦学溥

羊肠盘折下山村误入岐途断客魂田父竞忙新熟麦老
僧乍启古祠门共言仙蜕留元妙

村为二张仙蜕处

未必公侯长

子孙

庙有后晋石幢列郭思俊为太傅尚书威武县侯嬴

马已疲奴力倦投来宿处已黄昏

焦山书舍访赵石泉续梦中句

董谦吉

相逢倾白堕快语入黄昏谷响风千树山围月一村

梦中句

草虫如有诉衣露欲无痕一片空明景为予滌梦魂

西司松

吴焯文

建兴古郡多古松郡斋西畔犹虬龙台星缠次雁行立三
命伛偻滋益恭年深未免遭剥落祇馀一树留春容闻说
钱唐宋太守朝夕摩娑不释手解带长吟吏散衙凝香燕
寝茶盈臼识宝真逢洋舶贾知心惟对苍髯叟爱护如同
晋始宁筑以小亭颜独秀松知人意献嘉祥蒸出芝菌为
公寿自公之去几多年亭圯松孤据可怜斤斧取脂马磨
疥翻逊桃李争鲜妍卫公子荆善道古昨年偕我盘桓抚

鳳臺志志

卷之十八

诗

三十

未能移植向名园欲倩韦张间貌取岂知隔岁阅沧桑虬
盖龙鳞半惨伤襄阳偏履习凿齿湘东眇视徐妃装差胜
沟中馀断木一息立见偃且僵呜呼荣落乃如此长生须
学长不死愿取菩提净土栽好与莲花结终始

读北史弔陆长史士廉

吕元亮

杀气阴沉战血添忠巨义士两能兼於今祇报裴侯赛谁
祀当年陆士廉

尔朱兵势捲风云一腔热血堪报君魏收佳传千斛米应
知稊史遗参军

游方山

秦德谦

寻山厌山平临水爱水複偶以贪奇过崎岖遂迷目彳亍
昧所往宁作穷途哭攀藤下悬崖股栗孩童仆出谷逢樵
人指与田家屋田家多殷勤为我饷豆粥计日再重游犹
恐路未熟

开元钟歌

张承纶

欧阳已老羲叟倦五代遗文搜未偏古黝万石开元钟大
书特书纪攻战晋阳甲兵捲地来踰年夹寨重围开臂血
纵横李昭义冶金重费勒铭才迄今色相间青翠斑驳犹

鳳臺縣志

卷之十八

诗

三一

存天祐字老龙鬢鬢空中蟠途人谁识开元寺蒲牢夜吼
如鲸铿苍凉尚使魂梦惊老僧定后残月落恍闻当年鼓
鼙声

石宝岭秋晚

岭有楚王庙及元魏石佛像有记刻石

牛锡龄

岚翠袭衣襟看云坐远岑鸟惊黄叶下泉响暮山深斜日
楚王庙秋风汉武吟北朝留石室老树更阴森

段长官正卿墓碑

李东旭

大书深刻笔腾拳柳骨颜筋共一家神物应宽雷火劫夜

来风雨获龙蛇

撰书皆系刘静修书学大柳兼隶体

岁寒课子

闺秀 陈卫氏

梅花独放岁寒枝
夜静机窗罢织时
寂寞深更人不寐
青灯黄卷课孤儿

束装将赴沧州

闺秀 陈静渊

怅望沧州千里除
未行先费几踌躇
四方原是男儿志
闺阁何堪别故庐

大会砦

姚学瑛

宋时传大会砦列
万兵屯野火烧残
垒荒烟淡远村石
盘愁去径绳枢下
柴门人影夕阳散
空山易暮昏

宋太祖屯兵大会败

鳳臺縣志

卷之十八

诗

三二一

李筠

景德寺观宋牒石刻

信识景德寺勅自景德年文正押花字

王文正公旦

冯李相后

先冯君官此土

冯文肃公拯

惠政馨香传入为容台副同寅协

比肩王公品望重仰如星斗悬李公声价贵浑如金玉全

一代极盛日而乃好神仙求仙诚云幻佞佛亦或然当时

中书牒黄封下联翩此地存其一已足光枯禅秉烛玩遗

迹拂摩忘夜眠

书弥勒寺磨崖壁后

环城周围山作障十里五门若拱向中有碧落称名奇揽
辔走马陟其上老僧指说古石龕丈六金身佛无量磨崖
久成无字碑风雨泐残龙蛇状旁有小篆八分书仅存厥
名姓已忘幽洞深处秉烛游佛拭遗碣诚晓亮其一北魏
孝昌年岁在景午辞不妄其一万岁通天时奇字全依后
所剏吾谓此寺先北朝开山不自唐代创和平初有昙曜
僧凿空雕作庄严相或者韩王踵遗踪再为式廓增丽壮
房妃祈福黄公书钟鼎蝌蚪纷盘盪羲叟搜罗若未周欧
阳遗文缺采访郡斋空传敏求文二本至今全佚放君不

鳳臺縣志

卷之十八

詩

三三

見峰山野火荐福雷古来神物多沦丧

壺壁

壺一作台

林荔

雄定关前形胜地壺壁曾列登国帜久从征伐知兵机老
智原可扣囊次两翼分张居上游一战河曲千军溃岁在
鶉火长子亡逆贼肯留子孙累缺齿为缺馘文成库勾未
能绵再季当时战功雄且豪至今残垒尚可示士人谬传
壺坪街俗口拮屈讹所致黄昏日落丹水流咽尽霸气消
往事

自高都南下观丹河

北来洺绝水交汇便成丹月印三霄迴沙明两岸宽战场

传谷口

魏源子恭
屯兵丹谷

禅悦在经坛

慧远掷笔台
在丹河北岸

胜地终须到

何愁路屈盘

开元寺铜钟歌

开元精舍久沦失尚遗铜钟记其实移入元都搆层楼架
梁高悬光流漆古色斑斓字模糊寒泐二三除六七前书
昭义节度名陇西郡公用特笔后称天祐十一年分别岁
月定甲乙纪功别载骈丽文沿流三唐华藻溢当时潞州
困长围水泄不通飞鸟逸夹寨阵前横如云乱柳营中幽

鳳臺縣志

卷之十八

詩

三四

如室白马间道轻骑来杀气昏蒙连天密知兵孺子同先
王大声暗鸣兼咤叱符昭授首怀英逃一战功成胜可必
斗鸡小儿援作功范铜为钟铭诸日宁似魏顛破秦归铸
以鳧氏勋名裔相传泽潞钟有四祇今观中独存一晋得
泽州自何年欧阳搜罗苦未悉据此便可参遗文编记足
补史所軼鲸鱼欲动蒲牢鸣一声大叩凜而栗灵物常留
霸气沉更深夜静风萧瑟

垂棘山

驻马高都南一峰当户牖传为古垂棘玉洞不可扣门藓

坐其旁沁人寒气透此地本翟封

春秋初地为美壁铎自铎遏父所据

守如何希世珍而为晋人购晋人奇货居虢亡虞随覆继
世灭赤白遏父不可救铎已独晋疆山不改垂旧柯旣野
苔荒产璧原虚谬韞玉山能辉顽石少灵秀独馀青苍松
间杂云出岫别后兹山名山经或疎漏不见昆山阳并无
片玉售

客有谈小山之胜者率笔记之

此山在柏山下佛头山南

蜡屐折且残尘劳甚已惫问说小山奇孤秀扼绝隘群峰
围作屏一水流成派上有真武祠松柏杂荆蒯竅开玲珑

鳳臺縣志

卷之十八

詩

三五

窟穴中看光怪每出鬱林石恨少米顛拜兵火从未经远
烽息垒寨半翅痴不鸣行脚走忘唵閬寂空谷逃声迹绝
感喟桃源久迷津此非人境界我欲买山居无主谁能卖
祇合约日游临风把酒快

鶴鳴堂懷古

王 斐

孤鶴本軒軒凌空风作御詎以十年栖而为惊人语声虽
闻於天倏尔振翮去高飞云在霄网罗安所惧此意谁解
人达者深心寓鶴鳴顏其居庄靖先生处先生品自高易
代羞恩遇安车送还山遗老前朝著絳帳多生徒鸾翔与

凤翥易日鸣在阴其子和声助翼之待其成王国留仪羽
先生不可攀华表仗仙馭

马牢川怀古

姚学甲

天关原为三晋门半壁东南在腋肘晋人初有昭义军叛
将反为汴梁守潞州已降濩泽急夹城长围溃不久太原
轻骑潜地来风云变色蛟龙吼马邑健儿冠三军横舞长
稍丈八九阵前大呼索肥人沙陀穴处吾向有马牢川前
貔貅屯灭此朝食殄其首一战重恢旧河山季筠就擒从
周走功高赏薄雄心灰群谋搆死谗人手河阳城北逸兔

鳳臺縣志

卷之十八

詩

三六

狡邢州西市烹走狗腐骨已随黄土埋战场犹传父老口
天阴雨湿白昼昏鬼声啾啾聚成藪忽疑深树排旌旗又
似长夜鸣刁斗壁垒有星照荒营形势何如汉细柳至今
过者寻遗踪名在青史称不朽

重过水西

爱此山村名重来我犹故老马知岐途酒家识平素如何
丹川流竟似汾上路暝色笼夕阳光散水西树

赵虾汾上
宴别诗有

日落水西
树之句

坐待明月上一轮满东山临兹水西岸水与月俱闲遥情

千里结客途万愁删披襟相对赏何地不多关

隘谷圣灯

隘谷十里秋风劲天阴月黑禅窟净旧闻金门寺前灯山僧指示名曰圣俄尔一点山中明浮光吹乱遥带映初疑荧荧鬼燐生又似萤火各分併鱼龙作戏珠光吞星斗落地流辉迸吾初见之得未曾曾眼花迷乱立不正远者如相迎近者如相竞散者纷而行聚者肆以横谁为抟其华谁为执其繁君不见紫薇郎传布人间孝实证又不见无遗山吟入长句高歌詠愧我笔力如纸绵欲赋灵贶无人倩

鳳臺縣志

卷之十八

詩

三七

独喜毫相印心光神工不知何杈柄想为鸞岭奇化多照见大千目彻镜佛法定有灯可传灵台不灭西教盛千灯万灯总一灯灯灯相续明真性

寻丹源自白杨坪至高都

浅草平沙曲绕汀淙淙出自白杨坪泉流司马山阴后独许郦元注水经

共以长平为附会伏尸流染血成丹祇因虚信元和志更说源头在可寒

伏流随处见龙潭行次巴公浪欲涵汇得双泉东去水秧

田蔬圃似江南

大丹小丹原属讹深水浅水不成波秋来浊雨喷流下交

到垂都成一河

战国策秦焚垂都即高都也

苻秦王武侯祠

俗传王翦土人改祀王猛

泽土淫祠多难将源流溯古庙祀王翦其说原有误厉鬼
魄不灵血食人所恶改祀秦武侯尚属有其故江东无卿
比扞虱谈世务鱼水君臣欢千载仅一遇出师表伐燕兵
次上党路一战功已成传檄下泽潞邓张敌万人不战民
心附止戈乃云武杀隆恣神怒嬴帅尚诛残绝无恩泽布

鳳臺縣志

卷之十八

诗

三八

似此仁义师功德本自具壶浆当时迎赛社后人慕载歌
侑神曲洋洋神来赴

过李庄靖先生墓有感

王培嗣

衰草白杨客断魂残碑磨灭杳无存杨儿亡后仲修继何

必先生有子孙

庄靖集有赐子杨洗几诗元世祖令旨云以侄孙仲修为后或杨儿早亡也

晚季谁当最上流徵车直可傲王侯文章学术千秋在谁
识当年土一坵

访秦吴二主祠不知其处

乌汝槐

秦吴二主祠庄靖留佳句揖让与干戈考核无所据

见庄靖诗

若云秦祖龙杀降失仁恕如云吴太伯采药朱方著此土
均无功英灵恐未聚圣暴两分途异代羞同居吾谓秦王
坚高都传檄谕又谓吴王垂壶壁战功具虽非王者兵市
肆安不惧况乃吴事秦君臣称奇遇爱贤无能杀败衄得
其助上章天命陈欲全终始誉配享合一堂土人深心寓
我欲寻遗基万山迷风雨踟蹰岐路悲渺漫不知处

高都

周作谋

一带环丹水周围列远峰烟消秦战垒

秦蒙骛两伐高都

树老汉

侯封民有淳庞俗路当冠盖冲禅林聊憩马暂解葛衣鬆

鳳臺縣志

卷之十八

诗

三九

金

诗餘

梅花引

过天门关作

赵秉文

山如峡天如席石颠树老冰崖拆雪霏霏水洄洄先生此
道胡为乎来哉 石头路滑马蹄蹶昂头贪看山奇绝短
童随皱双眉休说清寒形容想更饥

千秋岁

寻秋阜城访曹陶菴孝廉

王维藩

涧曲峰迴游尽秋难赋雁不到将秋误啾唧壁无蛩萧瑟
山无树人止见髻边昨夜霜微度

瀟灑淡如菊，潔靜人如玉。枕孤邱，蛻世俗，安步以當車。晚食以當肉，晏如也。万壑秋風藏公腹。

明

西江月

觀瀑水
簾作

陳棐

鐵壁翠雲堆，里懸崖細路縈迴。丹河轉處境天開。元圃瑯田堪愛。玉鳳九苞倒下，銀河几派低垂。樓台回首莫言歸。落日鐘聲云外。

國朝

菩薩蠻

早發星
輶驛是
太行山
絕頂處

顧貞觀

鳳臺縣志

卷之十八

詩

四十

山城半夜催金柝，酒醒孤館燈花落。牕白一聲鷄，枕函聞馬嘶。門前烏柏樹，霜月迷行處。遙憶獨眠人，曉寒驚夢頻。

臨江仙

石門
紀游

王旬

隔斷紅塵三五里，空林一片秋聲。千峰壁立挂萝藤。山深聞鳥語，水淺見魚痕。載滿奚囊徒作贅，思量擊碎胡琴。眼前流水是知音，遠懷超大块，浩气压孤云。

葛山溪

再游
石門

兩山拳對似互撐，頭角往迹查難追。料出自神工斧削碧。

滋掀浪苍翠抹悬崖摹积石傲龙门省瞿塘三峡
樵牧指巖间幽穴深窈有谁窥彷彿是神仙旧宅沙
雁相视总忘机开青眼放双眉漫高歌林樾

念奴娇

中秋
集衡园

冯绳祖

冰轮绝艳恍广寒宫里姮娥凝迹豪兴凌云飞玉斝醪醕
满浮浓碧桂子飘香天香鬣隼身在华胥国楼空四照一
渠清影历历正好宛转歌喉轻搗箏阮贤主娱佳客十
二回圆惟此际天上人间良夕对酒当歌人生有几且息
图南翼箇中真意山阴三弄桓笛

鳳臺縣志

卷之十八

詩

四一

水调歌头

今夕是何夕璀璨玉壶天幸依名贤执友不负此华年聊
尔逢场作戏何用唵须频撚岛瘦与郊寒痛饮浇胸次相
视黠痴间转银汉尽玉漏不须眠无穷欠阙须教此际
十分圆意趣比溟鹏翼文采南山豹露且莫较偏全无限
苍凉处都付与婵娟

凤台县志卷之十八终

